



CANTON SARAJEVO
Cantonal Civil Protection Administration
Operational Center

Broj: 04-44-1-49/19
Sarajevo, 24.06.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 21.06.2019. do 07:00 sati 24.06.2019. godine

Profesionalna vatrogasna jedinica Kantonalne uprave civilne zaštite Kantona Sarajevo:
U izvještajnom periodu pripadnici Profesionalne vatrogasne jedinice imali su 14 intervencija, od čega je 9 požarnih intervencija, dvije tehničke i tri intervencije obezbjeđenja.

Od požarnih intervencija dvije su bile veće i to:

- dana, 22.06.2019. godine u 13:00 sati na gašenje devastiranog i napuštenog objekta u ul. Jukićeva br. 50., Općina Centar. Požar je gasilo osam vatrogasaca sa dva vatrogasna vozila. Požar je lokalizovan u 13:09 sati a likvidiran u 14:07 sati.
- Dana, 22.06.2019. godine u 21:35 sati, na gašenje garaže u ul. Nahorevska br. 15., Općina Centar . Požar je gasilo osam vatrogasaca sa dva vatrogasna vozila. Požar je lokalizovan u 21:58 sati a likvidiran u 22:40 sati.

Manje intervencije bile su na gašenje smeća u kontejnerima (3 intervencije), automobila (1), kioska (1), krova devastiranog objekta (1) i manjeg požara u kuhinji (1).

Tehničke intervencije su bile asistencija policiji nakon saobraćajnog udesa i evakuacija lica iz zaglavljenog lifta, a obezbjeđivalo se točenje goriva na Aerodromu (2) i koncert.

Napomena: U protekla 24 sata pripadnici Profesionalne vatrogasne jedinice imali su 2 manje intervencije i to gašenje smeća u kontejneru i evakuacija lica iz zaglavljenog lifta.



Gorska služba spašavanja - stanica Sarajevo. Kantonalni operativni centar civilne zaštite je dana, 21.06.2019 godine u 12:15 sati, dobio informaciju da je na planini Bjelašnici na lokalitetu Dugo Polje (područje sela Lukomir) povrijeđena odrasla muška osoba i da je ista u besvjesnom stanju. Povrede su nastale uslijed prevrtanja vozila Quad kojim je unesrećeni upravljao. O istom je odmah obavješten direktor Kantonalne uprave civilne zaštite Kantona Sarajevo, po čijem su nalogu angažovan pripadnici naše Gorske službe spašavanja, koji u 13:21 sati sa ekipom Hitne pomoći došli do unesrećenog. Ekipa Hitne pomoći je nakon pokušaja reanimiranja unesrećenog konstatovala smrt istog. Radi se o muškarcu od oko 55 godina sa vidljivim povredama glave, vrata i abdomena. Akcija je završena u 18:39 sati izvlačenjem vozila nastradalog. U ovoj akciji je učestvovalo devet spasilaca naše Gorske službe spašavanja sa dva motorna vozila i potrebnom spasilačkom opremom.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila +17°C, vlažnost zraka 96%, barometarski pritisak 944 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski i željeznički saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1